


- L** Hæc protuberans sedes, cordis gratia hic in sinistrum adeo prominet. id namque una cum ipso in uolucro inter membranas thoracem diuidentes comprehensum, in sinistrum longe magis quam in dextrum porrigitur. atque huius potissimum tuberis occasione præsentem figuram ex sinistro potius, quam dextro latere expressimus.
- M** Vena sinistro pectoris ossis lateri exporrecta, & sinistra thoracem interdiuidenti membrana uarios surculos offerens.
- N** Arteria sinistro pectoris ossis lateri exporrecta, & similiter ac uena **M** insignita ramulos sinistra thoracem intersepienti membrana exhibens.
- O, O** Ramuli a uena ac arteria deducti, quæ secundum pectoris ossis sinistrum latus à iugulo ad abdominis regionem pertingunt.
- P, P** Nervus septi transversus sinister, hic conspicue thoracem intersepientis membranae superficiei in progressu adnatus.
- Q** Vena in hominibus potissimum à iugulo una cum septi transversu nervo deorsum excurrentes, & membrana thoracem intersepienti ramulos derivans.
- R, S, T, V** Pulmonis pars sinistram thoracis cavitatem occupans. ac **R** & **S** huius partis sedem notant, quæ costis, seu ipsas succingenti membrana proxima est, gibba uero cernitur. T uero & **V** eius partis sedem indicant, quæ priusquam collaberetur, exteriori superficiei membrana thoracem interdiuidenti committebatur. Rursus **R** & **T** partis huius pulmonis superiorem insinuant fibram, seu lobum. S autem & **V** inferiorem.


SECUNDA SEXTI LIBRI  
FIGURA.



SECUN.

- P R A E S E N S** figura, quam erectam, non autem humi prostratam finximus, primam sectionis serie subsequitur. etenim anteriori thoracis sede & lateribus cute & musculis qui illis adnascantur, denudatis, ac costarum cartilaginibus ab ossibus liberatis, ipsosque ossibus extrorsum effractis, tandem pectoris os una cum ipsi coarctatis cartilaginibus ab utroque thoracem intersepientibus membranis liberauimus, sursumque deduximus, ut illius interior superficies obuia esset, et membranarum thoracem interdiuidentium natura accuratius adhuc quam in prima figura exprimeretur.
- A, A** Pectoris ossis una cum costarum ipsi commissis cartilaginibus interior, seu thoracis cavitatem spectans superficies.
- B, C** Duæ indicantur uenæ à iugulo pectoris os petentes, ac præter frequentes quas diffundunt ramulos, etiam ad elatiorem abdominis sedem excurrentes.
- D, E** Duæ arteriæ uenas nuper commemoratas ad umbilici usque regionem concomitantes, nullibi tamè ut uenæ ad cutem subeunt.
- F** Glandula sub elatissima pectoris ossis sede in iugulo reposita, ac uasorum securæ distributioni a Natura præfecta.
- G, G** Dextrae thoracem interdiuidentium membranarum pars, quæ dextro pectoris ossis lateri adnascatur.
- H** Dicta modo membrana dextra, seu pulmonem spectans superficies.
- I, I** Sinistræ thoracis cavitatem intersepientium membranarum pars, quæ sinistro pectoris ossis lateri ante sectionem connata fuerat.
- K** Dicta modo membrana sinistra, seu pulmonem respiciens superficies.
- L, L** Interuallum indicatur inter duas thoracem intersepientes membranas inibi conspicuum, ubi humano pectoris ossi continuantur.
- M, M** Hæc protuberans regio cordis indicat situm. cor enim una cum ipso in uolucro immotum inter membranas thoracem sepientes collocatur.
- N, O, P, Q** Pulmonis gibbum sedes uero costis contermina indicatur. neutra namque ex parte pulmonis partes in latera refleximus. Verum **N** & **O** duas fibras dextrae partis pulmonis indicant, N quidem elatiorem, O uero humiliorem. atque ita etiam in sinistro latere **P** & **Q**.
- R, R** Septi transversus sedes, quæ à mucronata pectoris ossis cartilagine hic S insignita, & dein à cartilagine quæ pectoris ossi non coarticulantur mucronibus, liberauit.
- T, V** Cutis deorsum à thoracis anteriori sede, eversa, atque ea superficie conspicua, qua musculis obducebatur.

TERTIA SEXTI LIBRI  
FIGURA.



TER-